

ТОШКЕНТ ШАҲАР  
МАҲАЛЛАЛАР  
ИШНИ  
МУВОФИҚЛАШТИРИШ  
КЕНГАШИНИНГ  
РЎЗНОМАСИ.  
Ҳар ойда икки марта  
чиқади.  
«Тошкент оқшоми»  
нашри.

1991 йил 27 июнь  
№ 12 (48).

# Маҳалладош

## «ИТТИФОҚ»ДА

### ГУРУНГ



«МАҲАЛЛАДОШ» рўзномасининг бир гуруҳ ижодий ходимлари Сергели райондаги «Иттифоқ» маҳалласида бўлишди. Янги бунёд этилаётган гузар билан танишил- гач, чойхонада фаоллар билан учрашув бўлиб ўтди.

«Маҳалладош» рўзномасининг катта муҳбири Саъдулла Шодиев йирилганларга «Тошкент оқшоми» рўзномасининг 25 йиллиги муносабати билан уюштирилаётган тадбирлар, «Маҳалладош» иловасида кўтарилаётган мавзулар ҳамда режалар ҳақида гапирди.

— Булар яхши албатта, — деди кўмита раиси Носир Зухуров. — Рўзномани мунтазам кузатиб борамиз. Бир истагим бор. «Маҳалладош» муҳбирлари маҳаллаларда кўпроқ бўлишиб, муаммоларни ёритишлари керак. Сизлар кўриб турган гузарни барпо этгунча озмунча югурмадикми. Тўйларни ихчамлаштириш, ортиқча сарф-харажатларга йўл қўймаслик ҳам долзарб вазифа. Бу мавзу рўзнома саҳифаларида мустахкам ўрин олиши зарур.

Кўмита раиси шунингдек, «Унутилаётган меросимиз», «Тоғжой тажани шаҳар кезади» руякларни остида ёритилаётган мақолаларга ижобий баҳо берди.

Фотима Фахридинова (2-уй жой бошқармасининг бошлиғи): — «Маҳалладош»да танқидий мақолаларга кенгроқ ўрин бериш керак, деб ўйлайман. Муҳими, мақола ёритилгач қандай ўзгаришлар бўлаётгани ҳақида муштарийларни хабардор қилиб бориш зарур. Бизнинг маҳаллада жуда кўп миллат вакиллари истиқомат қилишади. Улар ўртасида дўстлик ва биродарлик туйғуларини шакллантириш кўмита аъзоларининг диққат-эътиборида. Гузар қурилишдан олдин «бундай жойни бизга керак йўқ», дегувчилар ҳам топилди. Мен маҳаллага маданий-маиший марказ зарурлиги, бу маскандаги қўлайликдан миллатидан қатъий назар ҳар бир киши фойдаланиши мумкинлигини тушунтирдим. Айтмоқчиманки, рўзномада байналмилал тарбия ва миллий урф-одатларимизни тарғиб қилинишига эришиш зарур.

Ҳабибулла Миржалилов (кўмита аъзоси): — Маҳалладаги болаларга араб тили ўргатилаётгани ҳақида ўз вақтида «Маҳалладош» рўзномасида ёритилди. Кўмитамиз раиси Носир ака бошқараётган машғулотларнинг ёшлар тарбиясига таъсири катта бўлмоқда. Очiq тан олиш керак, илгари баъзи ўғил-қизларимиз катталар олдиндан ўтганда салом беришмасди. Энди эса уларнинг юриш-туриши ва одобида анча ўзгаришлар рўй берди.

Эргаш Раҳимбердиев (маҳалла фаоли): — Баъзан рўзнома саҳифаларида фалон маҳаллада шунча туп мевали дарахт ўтқазилди, деган сўзларни ўқиб қоламан. Тўғри, шундай бўлиши мумкин. Бироқ ниҳоллар парвариши эътибордан қолиб кетади. Биргина ўзимизнинг маҳаллани олсак, атрофимизда чинорлар кўп. Енимиздаги болалар боғчасида ҳам талайгина. Агарда шу масканда гилос ниҳолларини экиб парваришласак ҳадемай болалар ширин шарбатлар билан таъминланади. Кейин маҳаллаларга мажнунтоллар ҳам кўпроқ экилса яхши бўларди. Менимча, «Маҳалладош»да ободончилик ва кўкаламзорлаштириш билан боғлиқ масалаларни атроф-лича ёритиб бориш зарур.

Учрашувда маҳалла аҳли ўз фикр-мулоҳазаларини билдириш билан бирга «Тошкент оқшоми» рўзномаси муштарийлари томонидан илиқ кутиб олинаётган «Одобнома», «Дам олиш оқшомида» саҳифалари, шунингдек «Турмуш чорраҳаларида», «Жиноят ва жазо» руяклари ҳақида гапирдилар. Бундай ошкора мулоқот маҳалладаги муаммоларни ақс эттириш ҳамда келгуси режаларни белгилашда катта аҳамият касб этиши таъкидланди.

Ортиқ ЮСУПОВ.



Бу киши — биздан

## ФИДОЙИЛИГИГА ТАН БЕРАСИЗ

МАҲАЛЛАМИЗ кўп йиллар давомида ривожланмай, назардан четда қолиб келди. Оқибатда кўплаб муаммолар ўз ечимини топмади. Боғча, ясли, озиқ-овқат ва сабзавот дўконлари етишмас, телефон, газ, водопровод, кўчаларни асфальт қилиш масалалариники гапирмаса ҳам бўларди. Электр симлари эскириб кетганлиги туфайли чироқлар тез-тез ўчиб, асабга тегарди. Маҳаллада чойхона, клуб, поликлиника, болалар майдончаси, маиший хизмат шохобчаларининг ўзи ҳам, қуриш учун жой ҳам йўқ эди. Ваҳоланки шу ишларни амалга оширса бўларди. Лекин шу вақтгача ҳеч ким шугулланмаган.

Ниҳоят ўтган йили август ойида ҳисобот-сайлов йиғилиши бўлиб ўтди. Маҳалла аҳли ўз дарду хасратларини очик-ойдин гапирдилар. Кўмита раисини сайлаш мунозараси айланиб кетди. Чунки шу пайтгача тайинли сардорга ёлчимаган одамлар қўлидан иш келадиган, ғайратли ва ишбилармон инсоннинг раис бўлишини жуда хоҳлашарди. Нигматилла ака Зоҳидовнинг номзоди бир овоздан маъқулланди. Мажлис охирида сўзга чиққан янги раис катта ишонч учун миннатдорчилик билдириб, бутун куч-ғайратини турмуш тарзини яхшилашга қаратишга ваъда берди.

Ўтган қисқа вақт давомида

ҳақиқий қайта қуриш бўлди, десам муболаға бўлмайди. Ободончилик ишларини амалга оширишга алоҳида эътибор берилаяпти. Кўчалар асфальтланди. Фаробий кўчасидаги 169-уй илгари чойхона эди. Лоқайдлик туфайли бу жойни кимдир ўзига хонадон қилиб яшайётганди. Райижроқум оилага навбатсиз уй бериб, жойини маҳаллага чойхона учун қайтариб беришга қарор қабул қилди. Тўрт хонали бир уй эса кўмита идорасига берилди. Қувончлиси, маҳалламизни газлаштириш, новвойхона, клуб, идиш-товоллар сақланган омбор қурилишлари бошлаб юборилди. Ҳашар уюштириш яхши йўлга қўйилгани ҳам таъкидлаб ўтиш зарур. Масалан, маҳалла худуди, ариқлар, шунингдек ёнимиздаги «Чигатой» қабристонига ҳашар йўли билан тозаланди. Илгари одамларда ҳозиргидек уюшқоқлик, ҳамжихатлик бўлганини эслолмайман.

Хайрли ўзгаришлардан бошим осмонга етар экан, кўп нарса раҳбарга, унинг ташкилотчилиги-ю, жонкуярлигига боғлиқ экан-да, деган ўй ҳаёлимдан ўтади. Барча ишларга бош-қош бўлаётган янги раисга ҳар қанча миннатдорчилик билдирсак арзийди. Барча оғирликни ўз зиммасига олган бу инсон тиним нималигини билмайди, доим одамлар орасида, уларнинг ташвиши

билан яшайди, қувончига шерик бўлади. У кишининг беш фарзанди ҳам ақлли, етук бўлиб камол топишмоқда.

— Барчамиз бир маҳалла аъзоси бўлганимиздан кейин бир-биримизни тўғри тушунишимиз, қўллаб-қувватлашимиз шарт, — дейди Нигматилла ака фаолларга. — Шундагина аҳиллик бўлади. Азалдан халқимизда бир гап бор: «агар бола йиғламаса, она кўкрак тутмайди». Район раҳбарлари, депутатлардан талаб қилмасак ишимиз юришмайди.

Шундай қилишди ҳам. Натижада райижроқум раҳбарлари мутасадди ташкилотларнинг вакиллари билан маҳаллага ташриф буюриб, суҳбат ўтказишди. Ёрдэм беришга ваъда бердилар. Шу тариқа хайрли ишлар бошланиб кетди. Албатта Нигматилла акага яқиндан ёрдэм бераётган Тўхтажон Собиров, Шоҳосил Жалилов, Тоҳир Оташайхов, Насиба Дўстмухамедова каби фаолларнинг саъи-ҳаракатларини алоҳида айтиб ўтиш ўринлидир.

Шухрат ЗИЕЕВ,

С. Раҳимов райондаги «Янги турмуш» маҳалласи.

● СУРАТДА: кўмита раиси Нигматилла Зоҳидов (ўнг томонда) фаоллар билан қурилиш режаларини муҳокама қилмоқда.

Холмат Мирзакаримов сурати.

## Хушxabарлар

**ДУКОН ОЧИЛДИ**  
ЧИЛОНЗОР райондаги Шотурсун Ғуломов маҳалласида яқинда фойдаланишга топширилган турар жой биносининг биринчи қаватида янги озиқ-овқат дўкони очилди. Яқин кунларда кичик тикувчилик корхонаси қурилди.

**ҲАШАР ЙЎЛИ БИЛАН**  
ҲАШАР уюштириш Ленин райондаги «10-Сариққўл» маҳалласида анъанага айланиб қолган. Кўпчилик бўлиб Сергей Лазо кўчасидаги ариқларга бетон новлар ётқизилди. Эндиликда эса ҳашар йўли билан 300 ўринли клуб қуриш бошлаб юборилди.

Омон АБДУМАННОПОВ.



## Хатлардан

### сатрлар

КАРИМБЕРДИ ака Аҳмедов Улуғ Ватан уруши даврида фронтда жасоратлар кўрсатиб, Ватан уруши ордени ҳамда қатор медаллар билан тақдирланди. Ҳозир 80 ёшни қаршилайётган бу отахон С. Раҳимов райондаги «Янги Тошкент» маҳалласида 5 фарзанди, 40 дан ортиқ неварачеваралари даврасида қарилж гаштини сурмоқда.

Ғўзалбек ХОЛЛИЕВ,  
ТошДД ўқитувчиси.

АКБАР исмли йигит билан мактабда ўқиётганимизда бир-биримизга кўнгли қўйган эдик. У Тошкентга ўқишга кетиб, ўша ерда уйланди. Муҳаббатим тошталганидан жуда ўксидим. Айбим оила шароити туфайли ўқиёлмаганимдами? Қишлоқлардаги маҳаллалардан пойтахтга

ўқиш ёки ишга бораётган йигитларимиз оила қуришдан аввал чуқурроқ мулоҳаза юритиб кўришса яхши бўларди.

Мухайё ЕҚУБЖОНОВА,  
Бухоро вилояти, Зарафшон райондаги  
маиший хизмат уйининг тикувчиси.

МАҲАЛЛАМИЗДАГИ сиймоғочлардан бирортасига ёритгичлар ўрнатилмаган. Тунда фарзандларимиз ўқишдан қайтиб келгунларича хавотир олиб ўтирамиз. Мурोजаат қилавериш чарчадик. Бизга шу масалада ёрдэм беринг. Аҳоли номидан:

ЭРГАШЕВлар оиласи,  
Куйбишев райондаги Троцкий шоҳ кўчаси.

ЖАМОАЛАРИМИЗДА янги урф-одат ва маросимларнинг қўлланишига катта эътибор бераёلمиз. Яқинда «Бир пёла чой устида», «Эгизаклар айёми», «Меҳмон ва мезбон» деб номланган тadbирлар ишлаб чиқиб, турмушга жорий қилдик. Истагим, бундай одатлар пойтахт маҳаллаларида ҳам оммалашиб, анъанага айланса.

Икром МАЛЛАЕВ,  
Қўқон шаҳар маҳаллалар ишчи мувофиқлаштириш кенгашининг котиби.

**МАҚТАСА  
АРЗИГУДЕК  
ГУЗАР**

КЕЛИН кўча эшикни очганда ўрта ёшлардаги киши қўл қовуштириб турарди.

— Отахонни тўйга айтиб келган эдик. Ўалари уйда-милар?

— Яқинда гузарга чиқиб кетган эдилар...

Маҳаллалар ҳаётида кўп учраб турадиган бундай савол-жавоблар кишига аллақандай яқин туюлади. Чунки гузар азалдан маданий-маиший марказ бўлган, одамлар шу жойда кўп ишларни битирганлар. Очиғини тани олиш керак, турғунлик йилларида гузарларга етарли аҳамият берилмади. Янгилашни шарофати билан уларни қайтадан барпо этишга яна эътибор қаратилмоқда.

Мана, Чилонзор районидagi «1-Чарх Намоллон» маҳалласи гузаридамиз. Соя-салқин, сўлимлиги оромгоҳни эслатувчи бу масканда клуб, кутубхона, чойхона, отахонларнинг дам олишига мўлжалланган алоҳида хона мавжуд. Бу ерда истаган пайтда шахмат-шашка ўйнаш, хона бурчагидан жой олган рангли телевизорда ҳар хил кўрсатувларни томоша қилиш ёки овознигордан куй-қўшиқ тинглаш имконияти бор. Чойхоначи Эргаш Шарипов доимо хизматда.

Маҳаллада қандай тadbир бўлса клубда ўтишини таъкидлаш зарур. Яқинда жонкуяр кексалардан бири Соат ота Мирзаевнинг 80 йиллик тўйи нишонланди.

— Маросим жуда файзли ўтди, — деди кўмита раиси Абдумалик ака Мўминов. — Отахонлар иззатда, ёшлар хизматда бўлишди. Таом ва nonлар ўзимизнинг ошхона ҳамда новвойхоналарда тайёрланди. Уйин-кулги анча пайтгача давом этди.

Гузар айниқса ишдан кейин, оқшом чоғлари гавжумлашади. Чойхонада бир пиёла чой ичиб, кўнгли ёмоқчи бўлганлар доимо шу ерга ташриф буюришади.

— Ҳар бир маҳаллада шундай оромгоҳ бўлишини истаймиз, — деди ўзини Қобил Гуломов деб таништирган киши. — Бироз ўтириб дам олсанг чарчоғинг тарқалади. Фаолларимиз барча шаронглар муҳайё бўлиши учун астойдил ҳаракат қилишяпти.

Яна бир диққатга сазовор жойи шундаки, маҳалла ўз кутубхонасига эга. Тўғри, ҳозир бадиий адабиётлар, илмий-оммабоп китоблар етарли эмас. Бор-йўғи 300 нуска, холос. Келажакда аҳоли талаб-истагини инобатга олиб улар сонини ошириш кўзланмоқда.

— Кўриб турибсиз камчиликларимиз йўқ, ҳисоби, — деди Абдумалик ака суҳбатни давом эттириб. — Энди битта ўйингоҳ қуриб олсак ёмон бўлмасди. Оқшом тушгач, ёшларимиз қаерда спорт билан шуғулланишни билмай қоладилар. Уйлайманки, район раҳбарлари бу масалада бизга яқиндан ёрдам беришади.

Зиёд АБДУРАҲМОНОВ.

**УМИД ЧИРОҚЛАРИ СЎНМАСИН**

117-Тошкент-Октябрь сайлов округидан СССР халқ депутати, «Ўзбекгидроэнергострой» трестининг бошқарувчиси А. Қ. Эргашевга

**ОЧИҚ ХАТ**

Ҳурматли Акрам Қурбонovich! Катта ташкилотнинг бошлиғида ташвиш-у юмушлар ҳам катта бўлади, кексалар таъбири билан айтганда унинг бош қошига ҳам вақти йўқ. Буни жуда яхши биламиз. Аммо эл дардини, одамларимизни қийнаб келаётган муаммоларни Сизга, ўз депутатимизга айтмасак, кимга ҳам айтирдиқ, деган мулоҳазада ушбу мурожаатномани битдик.

Сайловолди учрашувларидан бирида Эски шаҳарнинг сизлар яшайётган ҳудудига канализация ўтказишда, ичимлик сув, табиий газ, электр таъминотини яхшилашда ёрдам бераман, деганингизда кўпларнинг кўнглидан «Отасига раҳмат, депутат бўлса шунчалик бўлар-да», деган ўй-фикр ўтганди. Сизнинг номзодингизни ёқлаб овоз берганимизга ҳам мана, йигирма беш ойдан ошди, ўшанда туғилган гўдаклар бугун боғчага қатнамоқда.

Эл ишончини қозонган одам, ким бўлишдан қатъи назар, берган ваъдасининг устидан чиқилиш шарт. Шунини алоҳида таъкидлаш керакки, бошқа баъзи депутатлардан фарқли ўлароқ Сизнинг ваъдангиз пуч, ҳавойи эмасди. Унга депутатлик нақазни сифатда жиддий қараганингиз самараси бўлса керак. Сағбон кўчасида канализация тармоғи ўтказиш юзасидан иш бошлаб юборилди, Қорасарой кўчасида ҳам шундай юмушларни амалга ошириш аниқ режалаштириб қўйилган. Бу ҳол умид чироқларини ёқиб, кўнгиллариимизни чароғон этди. Сағбонликлар билан қорасаройликларга ҳасад эмас, ҳавас қилдик. Айтиб чоғда бизнинг Зарқайнар (илгариги Ҳамза) кўчаси таъмирлаш ва канализация шохобчалари ўтказиш борасида 1991 йилги режа дастурга умуман кирмай қолганлигидан, рости, ўксидик.

Яхши биласизки, болажон халқимиз ҳамини эмас, аввало фарзандларини ўйлайди, турмуш, уй-жой шароитини яхшилаш йўлида елиб-югуради. Бироқ аранг, жилдираб келадиган суви ёз кириб, кунлар исчи билан тўхтаб қоладиган водопровод жўмрақларини, бир пайтлар шарқираб зилот сувлар оққан ва эндиликда мағзава оқизиладиган қўлбола канализацияга, касалликлар қонига айланган ариқларни, бир сониялик шамол турса, уч кунлаб ёнмайдиган электр чироқларни, санокли хонадонларгагина тушган ва ёлчители ишламайдиган телефонларни кўриб, унинг бозор иқтисодиётига ўтишининг оғир юкидан зириллаб қолган юраклари тагин ҳам суя бўлиб оқиб кетмайди.

Ҳар қандай қийинчиликларга чидаш, оғир бўлиш, қаноат ва сабр-бардошли бўлиш аждодлардан бизга қолган мерос. Ана шу фазилатлар андиша билан бирлашиб, биз, ўзбекларнинг сажиясини шундай шакллантирганки, ҳар қанча оғир бўлмасин, арз қилишни, шикоят кўтариб идорама-идора юришни ўзимизга эп билмаймиз.

Маҳаллаларимиздаги бундай оғир аҳволдан беҳабарсиз десак адолатдан бўлмайди. Аммо халқнинг хоҳиш-иродаси, раъияти билан маҳалла аҳлига сарқорлик қилиш чекимизга тушгани учун ҳам ҳаммаҳалла биродарлар, опа-сингилларнинг туриш-турмушдан бошқаларга нисбатан кўпроқ хабардоримиз, дейишга ҳақимиз. Зотан, оқола ва ёлғир сувларига оқадиган ариқни қўшниси шартта кўмиб ташлаб, бетонлаб юборгани учун жала куйганда ҳовлиси кўлга айлангани, уй полларидан сизиб чиққан сувда палослар қалқиб юрганини кўрган хонадон соҳиби жаҳл устида «Уй-жойим бузилиб кетса, болачакамни шахсан сизникига кўчириб олиб бораман», — деб маҳалла кўмитаси раисига дағдаға қилганлигининг асл сабаби ҳам шу. Бошига мушкулот тушганда унинг халқ депутати,

ноҳия ижрокўми раисини эмас, маҳалла ишбошларини эслгани ҳар бир фозил одамни, шу жумладан Сизни ҳам ўйлан-тириб қўйиши турган гап.

Азиз Акрам Қурбонovich! Халқ ўз номидан иш кўришни ва унинг манфаатини олий ҳокимият органида ҳимоя қилишни Сизга ишонган экан, бу ишончга раҳна етмаслиги учун халққа озгина бўлса ҳам енгиллик келтирадиган нарсаларни амалга ошириш пайида бўлсангиз асло кам бўлмайсиз, мартабангиз баланд бўлади.

Сиздан илтимосимиз, берган нақазимиз тезроқ амалга ошириш учун янада таъсирчан чоралар кўришдан эринманг. Шу ҳаракатда Зарқайнар (илгариги Ҳамза) кўчасида, унинг барча бериб кўчалари ва Олча ўтар кўчасида канализация тармоғи ўтказиш, водопровод қувурларини янгилаш, электр тармоқларини пухталаш, газлаштириш ва телефонлаштиришга муҳтож хонадонларнинг мушкуллини осон қилиш юзасидан амалга ошириладиган комплекс ишлар шу йилги таъмирлаш ва канализация ўтказиш режасига киритилишига, бу юмушларнинг лойиҳа-смета ҳужжатларини тайёрлашни тезлаштиришга бош қўшмоғингизни ва иш охирига етгунга қадар назоратингизда тутмоғингизни сўраймиз.

Жумҳурият партия-ҳукуматининг «Маҳалла» дастури бу борада асосий омил бўлади. Қолаверса, эзгу ишингизда, Акрам Қурбонovich, шу ҳудуддан турли даражадаги Советларга сайланган депутатлар Сизни ёлғизлатиб қўймасалар керак. Зеро, буюк бобомиз айтганидек, биз ва сиз учун халқ ғамидан бўлак муҳим иш йўқ.

Едингизда бўлса, жумҳурият Президенти Исмоил Абдуғаниевич Каримов ўтган йили Тошкентнинг эски шаҳар қисмида яшайётган одамларнинг чидамлилиги, саховати ва мардлигига, ҳамма қийинчиликларга бардош бериб келаётганлигига таҳсин ўқиб, аҳволни зудлик билан, жуда шошилишга тарзда тузатиб олиш керак, деган эдилар. Бу гап ҳаммамиз учун дастурил-амал бўлиши лозим. Бардошнинг ҳам чеки, чегараси борлигини унутмайлик!

Авлод-аждодлари удумини тутиб, шаҳарнинг кўҳна маҳаллаларида яшаб келаётган одамларимиз ҳам замонавий шароитлар муҳайё этилган уй-жойларда нормал ҳаёт кечиршига лойиқдирлар. Шу боис бугун қилиш мумкин бўлган ишларни эртага қолдирмайлик. Керак бўлса, режани тезроқ амалга ошириш учун бу ишнинг бир қисмини зиммага олиш, ҳашар йўли билан мадад беришдан ҳам қочмаймиз.

- Тошкент шаҳар Собир Раҳимов районидagi Фрунзе номли маҳалланинг 850 кишидан иборат фуқароси номидан маҳалла кўмитасининг раиси Нигматилла ХУҲАЕВ.
- Эркин маҳалласининг 700 кишидан иборат фуқароси номидан маҳалла кўмитасининг раиси Фуод КАРИМОВ.
- Қурилиш маҳалласининг 3500 кишидан иборат фуқароси номидан маҳалла кўмитасининг раиси Файзулла РАҲМАТУЛЛАЕВ.
- Ғайрат маҳалласининг 2100 кишидан иборат фуқароси номидан маҳалла кўмитаси раисининг ўринбосари Тоҳир ҲОЖИБОЕВ.
- Зарқайнар маҳалласининг 1250 кишидан иборат фуқароси номидан маҳалла кўмитасининг раиси Рихсивой ҚОСИМОВ.

**Жасорат унутилмайди**

**АБДУМАЛИК ЎҚЧИ**

Операция қанча давом этганини эслолмайди. Ҳушига келиб беҳол атрофга қаради. Оқ халат кийган кишиларга кўзи тушди, қулоғига «Пинцет», «Дока», «Ҳаммаси яхши» деган сузлар чалинди...

Абдумалик ака Сталинград остонасидаги жангларни кечагидек хотирлайди. 1943 йилнинг ноябрь ойи эди, ўшанда. Қаттиқ жанг борар, атрофда вишиллаётган снарядлар бош кўтаргани кўямасди. Кутилмаганда Абдумалик оғриқдан бақириб юборди. Енида портлаган мина парчаси унинг чап қўли ва биқинини жароҳатлаганди. Ушанда танада қолиб кетган душман «совғаси»ни орадан 35 йил ўтгач олиб ташлашга тўғри келди.

... У 1940 йили Охунбобоев номидаги тиббиёт техникумини, кейинчалик «Наркомздрав» раҳбар кадрлар курсини битириб йўлланма билан Калинин районига ишга келади. Уша кезлари касалхоналар етишмас, мутахассисларга муҳтожлик сезиларди. Абдумалик ака бошчилик қилган 100 ўринли Қатортол шифохонасида



ҳам муаммолар кўп эди. Еш раҳбар эл саломатлигини муҳофаза қилиш йўлида хайрли ишларга қўл урганда фавқулодда уруш бошланиб қолди. У тенгқурлари қатори фронтга кетаётганда онаси Зоҳида ая қайта-қайта бағрига босиб;

— Бўйи-бастингга онагинанг қоқиндиқ болам, бизлардан ҳавотир олма, ўзингни эҳтиёт қил. Ой бориб

омон қайтгин, — дегани ҳамон ёдида.

Абдумалик 1-Украина фронтда ўқчи дивизия таркибида жангга кирди. Душман билан биринчи тўқнашувдаёқ энг яқин қуролдош дўсти Икромдан жудо бўлди. Лейтенант унвонини олган ўзбек йигити Воронеж, Львов шаҳарларини озод этишда қатнашди. Ана шу жангларнинг бирида қаттиқ яраланиб, контузия бўлди. Даволангач шифокорлар рухсат беришмаса ҳам олдинги чизқича юборишларини сўраб, қатъий йўқлаб олди. Сталинград учун олиб борилган жангларда ўт-олов Абдумалик қаҳрамонлик кўрсатиб, Қизил Юлдуз ордени билан тақдирланди.

Абдумалик ака Ҳотамов бугунги кунда А. Икромов районидagi Бешқайрағоч маҳалласи фахрийлар Кенгашининг раиси, Ўзига ўхшаган оловли йўлларни босиб ўтган фидойи кишиларга шаронглар яратиш ва маънавий қўллаб-қувватлашда бош-қош бўлмоқда.

Мурод БОТИРОВ.

**Марҳамат, сўрайверинг**

А. СОБИТОВ: Менинг қўшним ижрокўм томонидан ажратиб берилган ер участкасидан икки метрнинг эгаллаб олиб, ўз манфаати учун фойдаланаяпти. Айтингчи, шу жойни (ерни) қайтариб олсам бўладими?

ЖАВОБ: Ҳа, бўлади. Ўзбекистон ССР ер тўғрисидаги мажмуасининг 200-моддасига мувофиқ ўзбошимчалик билан эгаллаб олинган ер участкасидан ғайри-қонуний тарзда фойдаланилса қилинган ҳаражатлар тўланмасдан ўз эгаларига (фойдаланувчиларга) қайтариб берилиши керак.

Ер участкаларини фойдаланиш учун яроқли ҳолга келтириб бериш, яъни қурилган иморатларни бузиш шу жойни ўзбошимчалик билан эгаллаб олган корхоналар, ташкилотлар, муассасалар ҳамда фуқаролар ҳисобидан бажарилади. Қонунга хилоф равишда эгаллаб олинган ер участкаси халқ депутатлари район (шаҳар) Кенгаши ижроия кўмитасининг қарори билан қайтариб олинади.

Абдужалил ҲАСАНОВ, ҳуқуқшунос.



**ҚАЙНОНА** билан келин аҳил бўлишса, хонадондан меҳроқибат аримайди, кут-барака бўлади. Пойтахтимизнинг ҳамма маҳалласида 320 хонадон бўлиб, ҳамжиҳат яшаб келаётган қайнона-келиндар талайгина. Ойниса Маърупова, Наима Усмонова, Озода Аширова, Назира Усмонова, Раҳимахон Ғозиеваларнинг оилалари шулар жумласидандир.

Яқинда улар иштирокида «Садоқат» миллий урф-одатлар клубининг навбатдаги машғулоти ўтказилди. «Қайнонам — онам менинг, келиним — қизим менинг» деб номланган

бу тадбирда маҳалла хотин-қизлар Кенгашининг раиси Лутфия Халилова шундай деди:

— Қайнона ва келинлар ўртасидаги муносабатларни жонлантиришда «Садоқат» клубининг аҳамияти катта бўлаётти. Еш келинларимиз катта ҳаётий тажриба тўплаган онахонларимиздан ўрнак олишларини истайман. Октябрь ойида «Бола одоби билан» деб номланган тадбир ўтказмоқчимиз.

Шундан сўнг олти нафар табаррук онахонлар энг яхши қайнона номини олиш учун беллашдилар. Улар ахлоқ-

Анъаналар—  
халқ мулки

**БАРАКА  
ТОПИНГ,  
НАЗИРА АЯ!**



одобга оид ривоятлар, ҳадисдан намуналар айтишди. Қайнона-келин муносабатлари билан боғлиқ саволларга жавоб бердилар. Барча шартларни тўғри бажарган қайнона — 14 фарзанднинг онаси Назира Усмонова танлов ғолиби бўлди.

Энг яхши келинлар баҳсида эса Дилфуза Аширова, Моҳира Усмонова, Замира Исҳоқова, Севара, Гулнора ва Дилором Маҳкамовалар, Нодира ва Барно Холназаровалар қатнашди. Моҳира Усмонова санъат соҳасида, уй-рўзгор тутиш, оила тебратиш сирларини

пухта билишини намойиш этди. Келинлар орасида энг кўп очко жамғарган бу келин кўпчиликнинг олқишига сазовор бўлди.

Ғолибларга район маданият бўлимининг фахрий ариғи ҳамда эсдалик совғалари топширилди.

Кечада йиғилганларга район маданият уйининг «Дурдона» ашула ва рақс дастаси хизмат кўрсатди. Республика ёш томошабинлар театрининг бир гуруҳ ижодкорлари эса «Оназорим», «Отанга қўл кўтардингми» спектаклларида кўринишлар намойиш қилдилар.

Шу кунги Матлуба опа Исҳоқова умр йўлдоши билан оила курганига 50 йил тўлибди.

— Ҳар қачонгидан ҳам хурсандман, — деди онахон биз билан суҳбатда. — Мен онамнинг ақлига ўсганман. Мана, Мирвали ака ҳаётимда ҳамдам бўлиб келаяптилар. 9 фарзандим тарбиялаб ояғга етказдим. Оилада ҳаммиса эркак кишининг устунлиги сезилиб туриши керак. Шундагина тартиб-интизом, аҳиллик бўлади.

**Ортик МАҲМАДУСУПОВ.**  
**СУРАТЛАРДА:** кечадан лавҳалар акс этган.  
Василий Соколов суратлари.

**Ҳалоллигинг—зийнатинг**

**ҚАЙТАРИЛГАН ОМОНАТ**

БУ воқеани тоғам Абдуфаттоҳдан эшитганман. 20-йилларнинг охирида маҳаллаларда ўзига тўқ оилалар, дўкончилар ва савдогарларни рўйхатга олиш бошланган. Бу «қулоқ» бўлишининг биринчи босқичи бўлиб, «ҳақсиз»ларни НКВД истаган вақтида ҳибсга олиши, мол-мулкни мусодара қилиши мумкин эди.

Уртача даражадаги савдогар Шукур бувам қамоққа олинишини кутмай дўстлари ёрдамида Қашқарга йўл олади. У икки қизини ташлаб, 12 яшар ўғли Абдуфаттоҳнигина ўзи билан олиб кетади.

1931 йилда Қумулда миллий-озодлик кўзғолони бошланади. Шарқий Туркистон ўзаро уруш майдонига айланган кунларнинг бирида бувам Ғулжада бўлганлар. Шаҳарни босиб олган тунганлар кўчада у кишини ушлаб, қарвонсаройга келтиришади.

— Бизга ошпаз бўласан, — дейди тунган сипоҳиси, — ўзбеклар овқатга уста бўлишди.

Бувам уйига бориб келишга рухсат сўрайди. Сипоҳи икки аскарини унга ҳамроҳ қилиб беради. Ўғли Абдуфаттоҳни қўшниларга топшириб кўнгли хотиржам бўлгач қарвонсаройга қайтиб келиб, ошпазлик қила бошлайди. Бир ойдан сўнг сипоҳи уни ҳузурига чорлайди.

— Шукуржон, — дейди у ҳоли ҳужрада, — хизматингдан розимиз. Қандай одам эканлигингни кўрдик. Энди сенга яна бир юмуш топшираман.

Тунган сипоҳиси бир халтани унга узатади. — Бу менинг омонатим. Эртага шаҳардан кетамиз. Мен ҳам сенга ўхшаган мусофирман. Шунинг учун сенга ишонаман. Бу омонатни олти ой сақлайсан. Агар шу муддатда қайтиб келмасан, у сеники.

Орадан олти ой муддат ҳам ўтиб кетади. Аммо бувам омонатни олмайди. Саккизинчи ойда ўша тунган Ғулжада пинҳона пайдо бўлади. Бувам дўсти Ҳожи ана ва уни бошлаб ҳужрага боради. Омонат бузилмай шундоқлигича турганини кўрган тунган халтани очиб ундаги жавоҳир, олтинларни тўнади. Кейин учта йирик олтин ёмбини олиб, бувамга беради.

— Ҳалоллигинг учун инъом, — дейди у — мен ўзбек савдогарларини покиза, бегубор ва бировнинг ҳақидан қўриққичлари ҳақида кўп эшитганман. Энди бунга ўзим ҳам иқрор бўлдим.

Ҳамдам СОДИҚОВ.

**Луқма**

**Қачонгача чивинга таланамиз?**

«ЧИЛОНЗОР» маҳалласи Чилонзор районидagi энг обод масканлардан бири ҳисобланади. Бу ердаги иккита чойхона ва клуб маҳалламиз кўржигача кўрк кўшиб, уни янада файзли қилмоқда. Ишдан кейин кўнглили ҳордиқ чиқариш учун барча шарт-шароитлар муҳайё.


Аммо жамоа аҳлини анчадан буён ўйлантириб келаётган бир муаммо бор. У ҳам бўлса канализация масаласи. Қувурлар ўрнатиш ҳақида бир неча марта мураккаб қилсак ҳам район ва шаҳар ижроия кўмиталаридаги мутасадди ўртоқлар қуруқ ваъдадан нарига ўтишмаяпти.

Ҳозир хонадонлардаги кыр ўралардан атрофга таралаёт-

ган қўланса ҳид ва атрофда ғужгон ўйнаётган чивинларни бир тасаввур қилиб кўринг-а. Шамсуддин Исломов кўчасининг 5- ва 6-тор кўчаларида яшаётган аҳоли шу аллозда чивинларга таланишга мажбур бўлишмоқда.

Хурматли муҳарририят! Бизнинг бу хатимизни рўзнома саҳифасида эълон қиларсиз, деган умиддамиз. Зора мутасадди ташкилотларнинг раҳбарлари ўқиб, ёрдам қўлларини чўзимса.

Аҳоли номидан  
**Турсунбой ЮСУПОВ,**  
**Аҳмадхон АЛИМОВ,**  
**Шомаҳмуд ТўЛАГАНОВ,**  
**Исмомил ЗОИРОВ.**



«Умрингдан барака топ, болам...»  
А. Чапчилигина сурат-лавҳаси.

**Одобингдан айрилма**

**ОНАНИНГ ҚИЗИГА НАСИҲАТЛАРИ**

● Қизим, эринг буюрган ишни ўзингга оғир олма. доимо маслаҳат билан иш қил.

● Кийим-кечак ҳамда ўриндиқларни тоза туттишга одатлан.

● Таомни ўз вақтида тайёрлашга ўрган.

● Ошхона ҳамма вақт озода бўлсин. идиш-товоқларни ювиб қўйишдан эринма.

● Ҳамма вақт барвақт туришга одатлан.

● Эрингинг қариндоши ва ақилларини ҳурматла, беминнат хизматинг билан ўзингни танит.

● Эрингинг сирини ва камчиликларини деч қачон ошкор қилма. Ишдан келганда яхшилаб кутиб ол. Урталарингда низо чиқиб қолса кечир, юзига солмасдан бошқа вақтда тушунтириб айт.

● Болаларинг доимо озода бўлишига риоя қил.  
**Абдуқадир ШУКУРОВ**  
тайёрлаган.

**Табнат—ҳаёт чашмаси**

**ҲАР ТОМЧИСИ ЗАРГА ТЕНГ**

СЕРҚУЕШ ўлкасида лиммо-лим тўлиб-тошаётган дарё ва кўллар, шарқираб оқаятган каналлар, ариқлар талайгина. Асрлар мобайнида сув учун курашилган, бир томчиси исроф бўлмаслигига ҳарқат қилинаётган бизнинг давлатимизда оби-ҳаётнинг аҳамияти янада ошмоқда. Шунинг учун ҳам уни тежаб-тергаб ишлатиш, йирик ва кичик манбалар софлигини сақлаш шу куннинг муҳим масалаларидан бири бўлиб қолмоқда.

Кейинги йилларда Тошкент шаҳар Кенгаши ижроия кўмитаси атроф-муҳитни муҳофаза қилиш, сув ҳавзалари инфо-досланишининг олдини олиш борасида қатор тадбирларни амалга оширмоқда. «Бўзсув», «Қорасув», «Калковуз», «Садор», «Бўржар» каби каналларнинг атрофини ободонлаштириш ва дам олиш зонасига айлантириш шаҳар раҳбарларининг диққат марказида турибди.

«Бўзсув» бўйида «Курортная», «Цветочная» кўчалари бор. Шу жойлардаги хонадонлар «Автомобильная»нинг маҳсулоти ахлат ташийдиган машиналарини кутмайдиган бўлиб қолишган. Шу боис чиқиндилар сувга ташланмоқда. Киров район «1-Отчопар» маҳалласидаги «Боксер», «Курорт» кўчасидагилар эса маг-завани сувга ағдаришяпти. Болаларнинг дам олиш оромгоҳи — Тошкент ҳайвонот боғида шу вақтгача канализация қувурлари уланмагани туфайли бир кунда

500 куб метр тозаланмаган чиқинди сувлар «Салор»га оқизилмоқда.

Шаҳар ўртасидан кесиб ўтувчи «Бўзсув», «Анҳор» каналлари Фрунзе ва Чилонзор районлари ҳудудларида «Бўржар» деб аталади. Пойабалчилар клуби атрофидаги 200 га яқин хонадон канални чиқиндиҳонага айлантириб юборган. Ҳозир «Автомобильная» хизматини «Бўржар» суви ўтамоқда, десак муболага бўлмайди.

Бундай мисолларни кўп-кўп келтириш мумкин. «Калковуз» канални оқиб ўтувчи «Бирлик», «Ривож», «Ғайрат» маҳаллаларидаги айрим кўчаларда ҳам ахлат уюмлари тўпланиб ётибди.

Тоза суви булғатиб, тошкентликлар шайнига доғ тушираётган бундай хонадонлар ва корхона раҳбарларига нисбатан жиддийроқ чора кўриш зарур. Бизнингча, қоғозбозлик ва бажарилмай қолиб кетадиган қарорлар эмас, амалий ишга ўтадиган пайт келди. Бунда албатта маҳалла кўмиталарининг раҳбарлари, фаоллар, қолаверса пойтахтимиздаги барча фуқаролар жонбозлик кўрсатишса яхши бўларди. Зеро, оби-ҳаётимиз — сувнинг мусавволигига эришиш ҳар биримизнинг бурчимизга айланмоғи зарур.

Уйғун ШОРИХСНЕВ,  
Тошкент шаҳар санэпидстанцияси ходими, СССР соғлиқни сақлаш аълоҳиси.

## Унутлаётган

### меросимиз

# ЖОМ

ХАЛҚИМИЗ қадимдан бошининг азизлиги ҳақида уқтириб келишди. Буюқ шоир ва мутафаккиримиз Алишер Навоий шох Хусайн Бойқаро бир мейморни иғво билан қатл эттирганда шундай деганди:

Гуноҳи не эрди, у тилла бошин,  
Гуноҳи не эрди, порлоқ кўёшин.

Бу байтда кўп маъно бор. Шоир инсонни кўёшга, унинг бошини эса тиллага қиёслади.

Утмишда тахтта ўтирган шохнинг бошига олтин тож кийдиришган. Тўй кунини ёш келин кўёв хонадонга кириб келишганда бошларидан пул сочиш одати ҳозир ҳам бор. Шулар ҳақида ўйлар эканман, бехиётир халқ санъати намунаси ёдимга тушади.

Жом — мисдан ясалган иккинчи идиш. Бу буюм қадимдан шу кунгача сақланиб қолган. Илгари қиз турмушга чиқарилаётганда унга жом совға қилинган. Янги тушган келин сочларини фақат унда ювиши керак эди. Кир тоғора ёки ариқдан фойдаланишга руҳсат берилмасди.

Жомда бош ювиб бўлинган, тозалаб унинг тоқчасига тираб кўйилган. Нима учун у хонадон турндан ўрин олиши тушунарлидир. Ҳа, бош азиз, жом эса инсонга хизмат қилишдан ташқари хонага ҳусн ҳам бахш этиб туради.

Илгари хотин-қизларимиз бошларини жомда ювишган. Кейинчилик бошқа хил идишлар кўпайиб унинг қадрига етмай кўйилди. Шу боисданми, жомлар эндиликда савдо шаҳобчаларида кўринмапти.

М. ШОЎҚУБОВА.



Уқувчиларнинг ёзги таътил мазмунли ўтмишда. Оромгоҳларда маҳаллалардан таъриф буюриб, кўнгилли ҳордиқ чиқарётган болаларни кўлаб учратиш мумкин.

Равиль Альбеков сурати.

## Бир ҳасратлашамизми?

САЛОМ, Тоғжойов иним! Шаҳар кезиб, ҳормай-толмай юрибсизми? Маҳалламизга бир қадам раянда қилсангиз ҳасратлашиб олардингиз. Нималар ҳақида дейсизми. Ма на, эшитинг бўламаса.

Маҳалламиздан катта анҳор оқиб ўтади. Аммо ариқларда сув йўқ. Насос ўрнатиб беришни илтимос қилиб район раҳбарлари ва депутатларга кўп ялдинди. Қанв энди кулоқ соладиган одам топила.

Киев энг катта кўчаларимиздан бири ҳисобланади. Унинг ярмига тунги ёриткичлар ўрнатилмаган. Кўчаларимизнинг асфальтланганига 10-12 йилдан ошиб қолди. Шунданми, кўп жойлар ўйди-чуқур бўлиб кетган. Биргина Тўхтаста Жадилов кўчасида 47 та чуқур борлигини санаб чиқдик.

Гапириверсам ҳасратим сира тугамайди. Яхшиси ўзингиз бир келиб кўриб, мута-

## Тоғжойов тажонга келган хатлардан



садди аяхонларимизга нордон сузларингиздан айтсангиз, аҳвол ўзгариб қолармиди, деб безовта қилаялман. Абдуфаттоҳ НАВИХУЖАЕВ, Киров район «Янгиорин» маҳалласида яшовчи 80 ёшли пенсионер.

## Ўзинга инсоф берсин

ТОҶИВОЙ ака, мен ҳам сизга ўхшаб бозорларни айла-

ниб туришни яхши кўраман. Бундан бир ойлар олдин «Эски Жўва» бозорига боргандим. Бир йигит тутнинг бир банкасини 2 сўм 50 тииндан сотапти. «Кел қолинг, икки банка қолди, 4 сўм берақолинг», дейди. Хайрон бўлиб қолдим. Сахий табиат инъомини шунчалик пуллашга қандай виждонини йўқ қўйди экан? Бизнинг хонадонимиздаги катта тут дарахти мевасидан бутун маҳалла аҳли баҳам кўради. Тағига тушиб ётса ҳам бозорга олиб бориб сотмаймиз. Утган-кетганлар татиб кўришади.

Умуман, ҳозирги кунда бозордаги ҳўл меваларнинг нархи баланд. Нега шундай ахир? Бозорни кезиб, виждон чегарасидан чиққан баъзи деҳқонларимизни инсофга чақириб қўйсангиз яхши бўларди.

Анвар АҲМЕДОВ, муаллим.

## Спорт

# РУФАТ РИСКЬЕВ УСТОЗЛИГИДА

ИЛГАРИ бола тарбиясига кўни-қўшнлар, маҳалла-кўй ўз фарзандидек масъулият сезишган. Кейинги пайтда ота-боболаримизнинг аҳлоқ-одоб борасидаги бу анъанадан анча узоқлашиб кетганимиз қанчалик салбий ҳолатларга олиб келгани аён.

Киров районидаги Улугбек маҳалласида ана шу жиҳатлар эътиборга олинаётгани диққатга сазовордир. Қизиги шундаки, маҳалла кўмитасининг раиси ва ўринбосари илгари мактабда муаллим бўлиб ишлашган. Бу эса жамоага бошчилик қилишда ўз самарасини берапти.

Маҳалла клуби 51-мактаб билан ёнма-ён жойлашган. Яқинда билим даргоҳи майдончаси ва спорт залида маҳалла болалари учун турли тўғарақлар ташкил қилинди. Ёшлар залини ўз кучлари билан таъмирлашни зиммаларига олдилар. Ҳозирги кунда маҳаллада яшовчи спорт устаслари насобат билан, жамоатчилик асосида машғулот ўтказишапти.

Масалан, бокс бўйича жаҳон чемпиони, халқаро классдаги спорт устаси Руфат Riskьев ёшлар ўртасида чарм қўлқоп беллашувини ташкил этган. Ёш спортчилардан Баходир Эшматов, Босит Аъзамов ва бошқалар ўз маҳоратларини ошириб боришапти. Бу ерда шунингдек волейбол, баскетбол, футбол, шахматшашка билан шуғулланаётганларни учратиш мумкин.

Спорт сирларини ўргатишга истак билдираётганлар сонига тобора ортиб борапти. Ота-оналар мактаб ва маҳалла жамоаларидан мамнун. Чунки эндиликда 750 хонадонда яшаётган миңдан ортиқ ёшлардан кўпчилигининг ёзги таътили мазмунли ўтмоқда.

Саъдулла СУЛТОНОВ.

Ўзбекистон «ойна» жаҳоннинг «Оқла» кўрсатувини севиб томоша қилмаган одам топилмас керак. Бунинг сабаби жўи. Кўрсатув ижодкорлари оқлаларда юзага келётган муаммоларнинг сабабларини очиб беришга, шунингдек маҳаллаларда аҳли лиги ҳамда ўзига хос жиҳатлари билан ажралиб турувчи хонадонларни тарғиб қилишга алоҳида аҳамият беришмоқда. Бугунги суҳбатдошимиз мазкур кўрсатувнинг муаллими ва олиб борувчиси Замира Муқодирова.

— Замирахон, аввало «Оқла» кўрсатувига қандай келиб қолганингиз ҳақида гапириб берсангиз.

— Дадамнинг орзуси фарзандларидан бирини журналист қилиши эди. Шундай бахтга мен муяссар бўлдим. Оиламизда ҳуқуқшунос, муаллим, ва шифокорлар ҳам бор. 1975 йилда Тошкент давлат дорилфунунининг журналистика куллинедини битириб, Ўзбекистон «ойна» жаҳонда режиссар Наташа Хошимова ҳамкорлигида «Шундай ёшлар бор» кўрсатувини олиб бора бошладик. Ун бир йилдан кейин эса «Оқла»ни бошқаришга таклиф қилишди.

— Кўрсатувни тайёрлаш жараёнида кўпроқ нималарга эътибор берасиз?

— Бунда ўзининг ҳаётий тажрибам, кузатувларим кўл келаяпти. Кейин нам. Маҳфуза ах ва қайнотам Усмон оталар 4 ўғил ва 7 қизни тарбиялаб, воёга етказишган. Қўша-қўша келинлари, кўёвлари ва набиралари бор. Бу хонадоннинг ўзига хос жиҳатларидан бири — оқла аъзолари катталарнинг чизридан чиқишмайди. Мен ўзга хонадонларга кўрсатув тайёрлаш учун таъриф буюрганида аввало ана шунга ўхшаб фазилатлар, шунингдек, саранжом-сарилталар, рўзгор тебратиш сирлари билан қизиқман.

— Ҳозирги кунда ёшларимизга кўрсатилётган ганжўрликлардан кўнглингиз тўнайтми?

— Ёиласизми, кейинги пайтда ёшларимизга жуда кўп энгиллик ва имтиёзлар берилди. Аммо ўйлаб қарасангиз булар барибир камлик қилади. Сабаби, ёшларимиз ўйга, болаларга

бошқараолиш катта санъат, деб ҳисоблайман. Кейсинки оқла бошлиқлари тежамкор, сабр-бардошли, энг муҳими бир-бирлари билан аҳил бўлмас эканлар кўт-бароқа ҳам бўлмайди. «Келинлар кўзғолони» комедиясини нега севиб томоша қиламиз.

Оила: у қандай бўлиши керак?

## «ФАРМОНБИГИГА ҲАВАСИМ КЕЛАДИ»

қарашини, ишга бориши керак. Мен ҳам онаман, икки фарзандим бор. Нима бўлгандаям фарзанд тарбиясига кўпроқ вақт ажратилиши зарурлигини ҳис қиламан. Мухарририятимизга пойтахт маҳаллаларидан муножатлар, шунингдек вилоятлардан келётган мактубларда айнан шундай масалалар кўпроқ тилга олинапти. Муштарийлар талаб ва истақлари асосида кўрсатувлар тайёрлаяпмиз. Аёлларимиз турмушдаги муаммолар «ойна» жаҳон» юзини кўраётгани билан ўзгаришлар айтарли сезилмайди. Шу ўринда депутатларимизга эътирозим бор. Уларнинг кўпчилиги сайловолди учрашуварларида хотин-қизларимиз турмушини яхшилашга сўз беришганди. Афсуски, бу ваъдаларнинг аксарияти қорозда қолиб келаяпти. Ҳозир биринчи гада маҳалла хотин-қизлар кенгашлари феолиятини жонланттирувчи омилларни қидириб топиш вақти келди.

— Ширин-тоғуз уяв кечирми қандай яхши. Аммо ҳеч қачна яшмай ажрашиб кетётган оқлаларни кўрганингизда ташвишга тушиб қоласиз...

— Ҳақ гап. Оилами тебратиш, айниқса бугунги қийин шароитларда

Бунинг асосий сабаби, Фармонбинининг тежовли иш юритиши, қаттиққўллиги ва меҳрибонлигида бўлса керак. Менинг бундай қайноналарга ҳавасим келади. Энди турмуш қурган ёшлар ўзаро келишолмаётган экан, аввало қайнона йўлга солиши, йўл-ўриқлар кўрсатиши зарур. Кўрсатувимизнинг «Бахтиёр оқла»да, «Оилавий тўйлар», «Бувижоним», «Табаррук сиймолар» каби саҳифаларида шу масалага алоҳида эътибор бераёلمиз.

— Замирахон, ёшларимизнинг муносабатлари қандай бўлиши керак деб ҳисоблайсиз.

— Кўча-кўйда қўлтиклашиб кетётган йигит-қизларни учратиб қолсам ўйлаб қоламан. Бир-бирларига узукка кўз қўйгандек мосга ўхшашади, оила қуришса бахтли бўлиб кетишармикан? Бундай дейишимга сабаб, баъзи ёшларимизнинг худқида тўйдан кейин ўзгаришлар сезила бошлади. Шунинг учун яхши ниятлар билан бир ёстиққа бош қўяётган йигит-қизларимиз обдан бир-бирларини синаб кўрсинлар. Қизларимиз ўз ифотларини сақлашлари жуда жуда истардим. Мен ҳозирги кунда Тошкент педагогика олийгоҳи, этика ва эстетика қул-

лиётининг аспирантиман. «Оилавий муносабатлар» мазмунида ёзайтган номзодлик диссертациямда юқоридегим масала бўйича ҳам ўз фикрларимни баён этаёлман.

— Қариялар ўларидан кўрсатув тайёрлайсизларми?

— Албатта. Фарихоналарда ўғил-қизлари меҳрига зор бўлиб, йўлига кўз тикиб ўтирган кексаларимизнинг аянчли тақдири кўпчилигини изтиробга солади. Ота-она ва фарзандлар ўртасидаги келишмовчиликлар, оқибатсизликни очиб бериш шу куннинг талабидир. Зеро, миллий қадриятларимизни оёқ ости қиладиганларга орамизда ўрин қолмасин. Менга қолса, ўрта мактабда ўргатилётган «Оила» сабоқлари юқори эмас, бошлангич синфлардан бошлаб ўқитилсин. Чунки оилавий муносабатлар болада у эсини таниган кундан шаклланимоғи зарур.

— «Оила»нинг ижодкорлари билан яқиндан таништирсангиз.

— Режиссёрларимиз — Абдухамил Эгамбердиев, Саидносир Хусанов, Файрат Раҳматовлар. Шунингдек, биз билан ҳуқуқшунос Оминашон Каримова, руҳшунос Файрат Шоумеров, олимлардан Хатимахон Шахова ва Сафар Утановлар ҳамкорлик қилишапти.

— Телетомошабинлар билан ошқора мулоқот ўюштириш ниятларингиз борми?

— Ҳа. Яқинда Тошкент областининг Оққўрғон ва Паркент районлари аҳолиси билан очик мулоқот ўтказдик. Бошқа областлар ва Тошкент шаҳридаги маҳаллаларда яшовчи оқлалардаги аҳвол билан «ойна» жаҳон» орқали танишиб, муаммоларни баъараф этишга яқиндан ёрдам беришим режалаштираяпмиз.

Суҳбатдошлар: Саммад ШОДМОНОВ, Мухтор СУЛАЙМОНОВ.